

A2^r

Dem Edlen vnd veltten Herren/ Herren
 Hieronymo Fugger/ Röm. Kay. vnd Kü. Mayestet Radt/
 meinem gepietenden lieben Herren/ mein vnder
 thenig arm willig dienft/ zů vor
 all zeitten.

EDler/ Velter/ Gepietender/
 gůntiger/ lieber herr. Wiewol vnd alle hiftorien (alls
 Cicero daruon redet) gehandleter fachen zeůgnus ge
 ben/ die warheynt an tag bringen/ auch die gedächtnus
 ewig machen/ vnnd das leben gantz maifterlich vnder
 richten můgend. Also das ainer/ ob er schon von jhm
 felbs nichts sonderlichs vil erfahren/ oder gefehen hette/
 er dennoch durch beyfpilen/ fo in den felben angezaygt
 werden/ zů verwaltung der herrfchafft/ vnd ande
 ren weltfeligkaiten/ gar gefchickt gemacht werden můg. Dieweyl fie die her
 ren mit dapfferen/ vnd loblichen thaten zů der eher/ vnd gůtigkait bewegen/
 auch andere kriegsleuten von lobs wegen in gefárligkait leibs vnd lebens zů
 gehen willig machen/ vn̄ manichen vom vnrechten/ das anderft befchehe/ ab
 fchrecken/ damit nichts follichs von jm befchriben werde. Jedoch vnder allē/
 ift kain hiftori fo gefchicklicher weiß nie befchriben/ noch in kainer/ der gůtten
 lere/ fo vil nie angezaygt worden/ als wir dann sehend/ das inn der Troiani
 fchen hiftori allenthalben/ reichlich/ vnd on allen abgang befchehenn ift. Da
 rumb es nicht allein die andere gefchichtfchreiber/ befonder fr vil der weisge
 lerten/ vnd fůrnemlich die poeten auch/ jre vnderrichtungen menfchliches le
 bens/ hohes vnd nidere ftands/ darauß/ gleich wie auß einem wafferreichen
 brunnen/ ein argument vnd materi erfchöpfet haben. Vnd das ich die ande
 ren jetzund faren laffe/ Homerus/ vnd Virgilius/ die zwen fynnreiche/ hoch
 berůmpte poeten/ wie fie einem gewaltinen herren/ fo land vnnd leüt regiert/
 leren haben wůllen/ wie gottfůrchtig/ wie gerecht/ wie fůrfichtig/ wie wol
 erfahren/ wie vnuerzagt/ wie gůtig/ vnd volkōnen er in allen dingē fein můft/
 haben fie auch auß difer Troianifchen hiftori/ der einer Vlyffem den Griechi
 fchen/ der ander Aeneam den Troianifchen hauptman herauß gezogen/ auch
 irer gefchickligkeynt nach/ herfür geftrichen/ vnd fchōn lōbliche bůcher darauß
 gemacht. Herwider was für erfchrockenliche verderbligkait/ vnd bōfes end
 darauß verfolge/ ob ein oberkait des volcks/ vnnd feines nutz vergeffen/ fich
 kainer tugent/ fonder allain der vnrainigkait/ vnd der hoffart befleißet/ habē
 auch Euripides vnd Seneca mit exemplen difer hiftori/ inn jhren Tragedijs
 gnůgfamlich angezaygt. Dann hetten auff der Troianer feyten Laomedon
 Priamus/ Alexander/ vnd fein mütter Hecuba/ gott vor augenn gehabt/ der
 gerechtigkeit gepflegt/ niemants verachtet/ niemants belaydiget/ vnnd jhrer

Lob aller
 hiftorien.

Die Troia
 nifchenn hi
 ftorij vber
 trifft die
 andern all.

myßhändel gûten bfchaid geben/ weren fie vmb land vnd leüt/ vnd in abgang
des gantzen gefchlechts/ fo ellenlicher vnd iâmerlicher weiß nie kōnen. Gleich
erweiß auch Agamemnon der Griechen künig/ wa er sich der vnderthanen

A ij beflyffen/

A2^v

beflyffen/ auch feines eheftands benügen/ vnd sich frembde liebe nit vbergeen hette laffen/ were jm velleicht von feinem gemahel Clytemneftra in der haimfart der tod nie zû gericht worden. Wólche ding von obgedachten gelertenn leüten auß difem bûch gezogen/ allen menfchen zur vermeydung des böfenn/ gefchicklich angezaigt werden. Wiewol nit allein derer/ befonder aller dingen vorbilde in difer hiftori genügfamlich befunden werden/ darauß alle herren/ ftett/ vnd andere gemayn/ jhrer Polickey ein günnen bericht nemenn mügend/ In was gefalt fich gegen gott/ vnnd andern weltlichen herren zûfchicken/ fie auch bey gnaden/ vnd zû friden zû behalten/ ein jeder auff das höchft befleyffen folte/ vnd fie in kainerlay weg belaydigen/ darauß fich gemainlich der land vnnd leüt verderbnus/ vnd der ftetten zerftörung begebend/ wie deñ auch Troie begegnet fein/ hierinn verlesen würd. Vnnd wiewol die Hayden nicht den waren göttlichen glauben gehabt/ befonder fich der abgötterey gehalten haben/ ift dennoch oftmalen (als Valerius Maximus fchreibt) von Gott vber fie verhengt/ das durch hinläßigkait des gotsdienfts/ in fchweren krankeyten/ vnd andere hefftigen plagen gefallen feind. Dann durch verachtus der göttern die Griechen zum andern mal groffe peftilentz erlittenn/ auch der Troianern fache/ von der befleckten kirch wegen gottes Apollinis/ iun abgang kommen/ vnnd gântzlich zû grund gangen feind. Der vngerechtigkait (darinn auch der hochmüt/ vnnd verachtus des nechften begriffenn wirt) haben Laomedon/ Parys/ Hector/ Achilles/ die zwen fün Antimachi/ vnd jr vil ander mer/ gnüg graufame ftraff erleiden müffen. Derhalb nit vnbillich alle ftett follichs wol zû hertzen faffen/ vnd eben auff fehen folten/ nicht liederlich wider ainichen herren/ vnd fürnemlich wider die vnüberwintliche Kay. vnd Kü. Rô. May. vnferen genedigten herren/ ichts vngepürlichs zehandlen/ damit fie nicht auch wie Troia/ eingenomen/ verprennt/ zerftöret/ vnd der erden gleich geebnet werdend/ Es weren der exemplen noch vil mer inn difer hiftori/ dardurch man vberflüffiglich anzeygen möchte/ wie allenn tugendenn/ ein güts/ herwider allenn läftern ein böfes ennde zû widerfaren pflege. Doch von kürtz wegenn/ vnnd das man nit achte/ ich wöll mich vnderfteen/ annder leüt/ fo im alter/ vnnd inn der vernunfft/ gantz vnnd gar vber mich feind/ zeleren/ will ichs jetzund vnderlaffen/ zû vor/ weyl fie im bûch allenthalben verlesen/ auch durch vil andern fcribenten/ vnd Poeten nachmalen anderftwo angezaigt worden feind. Aber feyttenmal ein jeglicher den felben exempeln/ feer vil/ zû/ vnd von gelegt hett/ auff das er fein fache nach dem zierlichften/ vnd groffen luft an tag brächte/ feind vil ding/ fo etwan gar weit von der warheyt geweft/ von difer hiftori/ mit erdichten worten befchribenn worden. Wólche auch ein frommer Teütfcher (meines bedunnckens) ein wol belefener man/ auß mancherley bûchern/ zûfamē gefücht/ verdolmetfcht/ vnd in truck auß geen hatt laffen/ darin fo vil Poetifcher bößlin/ dz ift (freüntlich daruon zû reden) nit gar glaubliche ftücklin erfunden werden/ alfo dz ei-

ner wol billich fagenn | möcht/ es were kain Troianifcher krieg nie gweft/ die^r
weil fo gar vnwarhafte ding daruō gefchribē werdē. Derhalbē ich mich offt^r
malē groß verwund^t/ diewei fouil d⁹ fürpindigē dolmetfchē jetzt in Teütfchen
landen

A3^r

landen feind/ das jhr kainer den geschichtschreyber Dictym Cretensem (wölcher selber personlich vor Troiam gelegen/ vnd den selbigen krieg nach grundlicher warheyt/ wie er sich dann auch verlossen/ treulich beschribenn hatt) zû verdolmetzen sich nie annemen hat wöllen. Darumb wie fert verzhinen/ die erbliche krankheyt des brechens (Gott wöll ein jeden daruor behütten) allhie zû Augspurg vberhand zû nemen angehebt/ vnd ich mit dem edlen vñ vften herrn Rhaymund Fugger/ ewrer herrligkait geliebten vettern/ mey nem gñftigen lieben herrn feligen (wölchem der allmächtig ewig gott genedig vnd barmhertzig sein wöll) sampt seinen kindern/ als ein vndertheniger preceptor/ von hinnen gen Mickhausen hinauß/ inn seiner veste schloß/ vñnd herrschafft weyden hab müffen/ hatt es sich auch begeben/ das ich etlich wenig bücher inn der eyl mit mir zû führen erwücht/ vnder wölchenn gedachter geschichtschreyber Dictys Cretenfis/ auch gewest ist/ wölchen ich nach andern außgeleßnen büchern/ wie sich des siechtagens zeit voltreckt/ zû verteutschen angehebt hab/ nicht von lobs/ sonder allein von der warheyt wegenn/ vnd ob ich ein andern verurfachte/ damit er gemelts büch auff hochteütich zû ziehen sich vndersteen wolt/ dann ich selber meinen geringen verstand ermesen/ vñ die schwerligkait Teütcher sprach/ gantz für vnbegreiflich/ auch wol erkennen kan/ wölche mit kainer kunft erlangt/ vñnd auff ein ainigenn wege/ durch ainichen nicht gepracht werden mag/ sonst bey dem groffen auffsehen/ so ich darauff gehabt/ vermain ich wolts auch begriffen haben. Derhalbenn so ich kain geborner Teütcher bin/ vnd doch kain sprach auff erden mit reglen minder verfaßt kan werden/ dann die Teütche (ein solche verenderung ist darinn/ das kaum drey wort/ einer wie der ander gar auß spreche) mag es sich gleich wol auch begeben haben/ das ich nicht einem jegklichen vñlleicht im teütchen genügthan habe. Doch allein (als ob gefagt) ifts von mir darumb in truck außgeen gelaffen/ damit sich einer darüber erbarmet/ vnd offtgemelts büch mit zierlichen worten etwan eins mals herfür geftrichen hette/ Wiewol was die aigenschafft/ vnd krafft der Latein gewest/ ich gantz aigentlich verdolmetzt hab/ vnd mir darumb vor kainem nit graufen laß/ aber allein zierliche hochteütich züreden/ ich mich weder berümbt/ noch vnderstanden will haben. Weiter hat es sich auch begeben/ das ich die claufulas preteritorum geren/ vnd mit fleiß allenthalben ertlich auß gelaffenn/ auff das ichs darnach hin setzte/ da sie mich am baften zû lautten gedeüchtenn/ wölches ich auch gethan hab/ wie wol im trucken die presyll/ mit wölcher ichs verzeichnet hette/ zum dickermal vbersehen worden/ vnd mir im selbē mer als an eim ort zû kurzte gefchehen ist/ ja auch durch vnbekantnus der vnleslichen geschriff/ maniges wort verändert worden/ alls des Molifun/ da ich der Molifich geschriben hett/ vnd schwacheit für schmacheit/ auch fußknecht für dz wort fürknecht vnd dergleichen vil mer/ sie mir in der eyl eingefetzt haben/ dardurch mich einer (als jetz der brauch ist) verachten/ auch meinen fleiß deß geringer schätzen

mocht/ vnd sprechen/ warumb ichs nit auff die gattung/ da kainer claufulis
preteriorū von nöten wer gewest/ transferiert hab/ wölchē ich also geantwor
tet will/ mir sey d^o selbig weg auch nit vn bekant. Wölches sie darauß vernemē
mügē/ dz ich dē andern geschichtschreiber Daretem Phrygium (wölcher auch
iñ gedachtē krieg gelegē/ vñ jn noch vil warhaftiglicher/ dañ difer/ beschribē/
a iij auch nichts

Dar es Phry
gius der I. x
fte geschicht
schreibet
deütlich

A3^v

verteüfcht
worden/ nit
fo ſchwere
alls Dictys
Cretenſis
der erft.

auch nichts von gunfts oder haß wegenn/ weder zûgelegt/ noch daruon abgeprochen hatt) auch auff die felbige monier ganntz ſchlechtlich verteüfchet hab/ darauß ein jegklicher der rechten hiſtori ein waren grund⁹/ vnnd ohn alle vnuerftendigkeit nemen möchte. Wölchs ich im Dicty Cretenſe kains wegsthon hab wöllen/ daß es mich gar ein vnbilliche ſach gedeücht/ ein ſcribentenn dero maßen verändern/ das er ſich felbs nimmer kennet/ ob er ſchon inn Teütſchen landen von newen geporen/ vnd die ſprach von kindtheyt auff erlernet/ ſonder ich ſchlechtlich bey dem text beliben bin/ vnd die dickgenante claufulas preteritorum/ von erſten wiſſentlich außgelaffen/ dann es wurd gar vbel lauten/ wo einer einem jegklichen verbo ſein claufulam zû geben wolt/ wurden auch ſchier mer der wörtlin/ Jft/ Hat/ Geweft 7c. darinn ſein/ dann der andere

Lobe der
herren H.
Fugger.

materi vberal. So ich aber dermaßen nun allein in claufulis mich vertieffet/ vnd williglich verſteckt hab/ vnd ſy doch zû malen/ nit anderft machen/ oder erholen kan/ hab ich mich ewerer Herrligkeyt güttigkeyt vertröft/ vnnd dem brauch der alten ſcribenten nach volgen wöllen. Dann die felbige/ wann ſye vor zeitten etwas newes geſchriben/ vnd ſich vor den böſen meülern beforgt/ habens jre bücher allwegen dem mechtigſten herren/ fo zû jren zeitten gelebt/ als Kayſern/ Königen/ Fürſten/ Grafen/ vnnd anderen herren mehr/ zû geſchriben/ wölches noch diß tags pflichtlich gehalten wirt/ auff das jhre feind von des wegen (dem es zûgeſchriben ward) das wercke nicht ſchenden dörfen. Derhalben weyl vnd ich jetzund in Teütſchen landen/ ja inn allen nationen (jederman vngeſcholten) kein frümmere/ kein mechtigere/ kein trewere/ kein eherenreichere/ kein geſchicktere herren niendert weiß/ dann meine güntige herren/ herren Fugger/ alfo das einer wol billich ſagen mag/ alle dye mächtigkait/ eher/ vnd güt/ ſeye durch gott den allmächtigen/ ſolchen fromen getrewen diſpenſatoren/ vnnd auß ſpendern/ von himel herab geſchickt/ vn̄ mitgethaylt worden. Vrfach halb/ das wir jetzunder ein ſolchen Chriſtlichen frommen/ ſigächtigen Kayſer haben bekennt ſein Mayeſtat felbs/ wie jr treüwlich von jhnen darzû verholffen worden ſeye. Das auch andere feinde des Heyligen Römifchen Reichs/ genantem Kayſer/ vnferem gnedigſten Herren/ nicht abgewunnen / ſonder darnider erlegt/ vnd erſchlagen ſind worden/ iſt auch mit jhrer hilff vnnd rath beſchehen/ dardurch nicht allein Germania/ beſonder das gantz Römifch reich/ jhres gelücket/ fo ſie von Gott empfangen/ genuffen. Was geſtalt vnd maßen ſie ſich gegen andern fürſtenn/ vnnd Herren gehalten/ mag auß dem auch verſtanden werden/ das alle fürſten des Teütſchen lands/ vnnd andere mehr/ meinen güntigen herren feligen/ herren Raymundum Fugger/ fo trewlich geklaget/ vnd vmb in getrauret haben/ als were er ir leiblicher vatter geweft/ vnnd auß groſſem hertzens laid/ ſeines todes/ etlich auch beſingenn habenn laffenn/ das der durchleuchtig Fürft/ vnfer Genediger Herr/ Hertzog Wilhelm zû Bayrenm/ eherlich

Die H Fugger habenn Carolum zum güntigen tayl kayſer gemacht.

Der H. Fugger gunfte bey den fürſten.

Der H. Fug

ger dienfte
gegen jeder
man.

gethon/ wiewol folliches daruor vonn yhnenn loblich/ vnnd mit aller er-
barkayt/ hye/ vnnd annderftwo beganngenn iſt geweßt. Es were nun
auch vonn nōtenn/ zů erzōlenn/ wie vil menſchen ſie allenthalbenn täglich er-
nōrenn/ wie treüwlich ſie an allenn jhrenn dienern thünd/ wie groß ſie m̄nig-
klich dem gmaynen mann dienen/ waß für armer leüt ſie erhalten/ rathen vnd
helffen/

A4^r

helffen/ mit zeytlichen almüßen/ mit fârlicher klaydungen/ vnd mit fouil behau-
 fungen/ daruon vil hundert guldin jârlichs einkommens gehapt môcht wer-
 den/ doch nun gar ein schlechts/ vnd das allayn zum warzaychen empfangen
 wirt/ dardurch die/ fo darinn wonend/ jre Herren erkennen/ inn derer heüfern
 lie fo vmb ein ringen zyñs fitzen. Vnd fo die fach nun also beschaffen/ hab ich
 daran kaynen zweyfel/ es werd sich auch kayner an folchs mein schreyben rich-
 ten dürffen/ mein mühe vnd arbayt zû schenden/ nâmlich wann lie an E. H.
 ansehen vnd hohen rûm gedencken werden. Derhalben ich güter hofnung
 mein zûflucht zun E. H. vnd euch/ als meinem gepietenden/ günstigen Her-
 ren erfüchet hab/ zwayer vrfachen halben. Ertlich das also der brauch yhe
 vnd ye gewest. Dann auch auff das ich mich/ E. H. vnderthenigklich als
 ein danckbarer erzayget/ aller gûtthaten/ fo mir von den Herrn Fugker wider-
 faren/ weil vnd ich. E. H. vettern meines günstigen Herien fâligen lünen pre-
 ceptor gewest/ vnd noch bin/ fo lang es E. H. vnd dem Edlen vnnd Vesten
 Herren Antonio/ auch meinem gepietenden lieben Herrn gefellig ift. Vnd ü-
 ber das felbig auch/ damit ich mich E. H. inn aller demût befelhe/ vnnd jhres
 gunfts empfende/ Dardurch ich fürhin E. H. lob vn̄ preyß/ hie vnd anderft-
 wo/ mit worten vnd geschrifften bey anderen leüten etheben künd. Darüb
 ich E. H. mit höchstem fleyß vnderthânigklich gebeten will haben/ das folchs
 mein dedicieren vnd zûschreyben/ nach Fugkerischer art/ das ift/ inn aller gûti-
 kayt/ vnd genade annemen/ vnd beschyrmē/ auch mich armen/ willigen die-
 ner befolhen fein lassen wölle. Darmit sey mit euch frid/ gnad/ barmhertzig
 kayt/ von Gott dem Allmächtigen/ der wöll E. H. leyb/ eher vnd gût/ vnnd
 was euch lieb ift/ allezeyt gnâdigklich beschützen vnnd beschürmē/ Amen.
 Geben Augfpurg/ des xix. Junij/ iñ M. D. XXXVI. Jar.

E. H.

Vndertheniger williger

Marcus Tacius Alpinus.

a iiij

B6^r

Quinti Septimi des Rhömers/ gar eins
wolberedten manns/ lendbrieffe an den Quin-
tum Aradium.

Ein gruß. Ein tägliche Hyftori/
des Troianifchen kriegs/ hat Dictys Cretensis (wölcher in
selben fold vnder dem Idumeneo gelegen ist) mit Punifchen
büchftaben (fo dazumalen durch den Cadmum vnd Ageno-
rem/ die zwen vrheber/ in Griechenlād gebraucht wardē)
beschriben. Darnach inn vil hundert jaren/ wie inn d⁹ ftatt
Gnofo (vorzeytten des Cretenifchen Königs wonung) von alters wegen
sein grab eingefallen was/ habend des selben hyrten/ ongefär/ wie sie daruber
kömen/ vnder anderen dingen des einfals/ ein trüchlin von zyn/ durch einenn
mayfter vermacht gefunden/ vnd vermaynet es were ein schatz/ habend sie es
von ftundan zerlegt/ darauß sie weder gold/ noch andere peüte/ fonder allayn
bücher von Lindenbeüme rindlen herfür gezogen haben. Wie sie aber jhrer
hoffnung betrogen/ habend sie es dem Praxi (des selben orts einen Herrn) zū
getragen/ Wölcher sie mit Athenifchen büchftaben verendtet (dann die spra-
che was Griechifch) vnd Neroni dem Kayfer gebracht hat. Von wölliches
wegen er mit vil dingen/ von jm begabt ist worden. Nach dem aber die sel-
bigen bücher mir sind vnder handē gestoffen/ ist mich (der warhafftigen Hy-
ftori begyriegen) ein belangnus ankommen/ die selben ding/ wie sie dann auch
gweußt/ auff Lateinifch zū spechten machen/ mich meines verftands am may-
ften getröft/ auff das ich mich des müffigen gemüths/ faulkayt entfchüt-
tet. Derhalben ich geleich aynerlay zal der erften fünff büchern
gehalten hab/ der dingen/ fo in krieg gethon vnd gehand-
let sind worden. Aber die andere/ wie die Griechen
wider haym abgezogen feyen/ hab ich ein ayni
ges büch darauß gemachet/ vnd dir zūge
schickt/ Du mein lieber Ruffine/
biß meinen vnderftandun-
gen günftig. Spar
dich Gott ge-
funde.